



**UNIVERSITETI**  
**I SHKENCAVE TË APLIKUARA**  
— FERIZAJ —

Rektori  
Prof. Dr. Agron Bajraktari

Nr. Prot.: 1111/21; Datë:12.04.2021

Në bazë të nenit 48, paragrafi 1.4 dhe nenit 119, paragrafi 4 të Statutit të Universitetit të Shkencave të Aplikuara në Ferizaj (UShAF) Senati i UShAF në mbledhjen e mbajtur më 12.04.2021, merr

**V E N D I M**

**I**

Miratohet Rregullorja për parimet e funksionimit të Bordit Industrial në UShAF.

**II**

Rregullorja hynë në fuqi nga dita e miratimit të saj.

**A r s y e t i m**

Senati i UShAF për qëllim të harmonizimit të rregulloreve me Statutin e UShAF pas elaborimit të draft rregullores në fjalë, në mënyrë unanime vendosi si në dispozitiv të këtij vendimi.

Vendimi i dorëzohet:

1. Senatit të UShAF;
2. Bordit Industrial të UShAF
3. Arkivit të UShAF;

Rektori  
Prof. Dr. Agron BAJRAKTARI



**UNIVERSITETI**  
I SHKENCAVE TË APLIKUARA  
FERIZAJ

Rektori  
Prof. Dr. Agron Bajraktari

Nr. Prot.: 1111/21 Datë: 12.04.2021

Në bazë të nenit 48, paragrafi 1.4 dhe nenit 119, paragrafi 4 të Statutit të Universitetit të Shkencave të Aplikuara në Ferizaj, Senati i UShAF në mbledhjen e mbajtur më 12. 04.2021, miraton:

## RREGULLORE

**Për parimet e funksionimit të Bordit Industrial të Universitetit të Shkencave të Aplikuara në Ferizaj (në tekstin e mëtejme Universiteti).**

### Qëllimi

Kjo rregullore përcakton karakterin, anëtarësimin, funksionimin, fushëveprimin, mënyrën e vendimmarrjes dhe mandatin e Bordit Industrial të Universitetit .

### Neni 1

1. Karakteri i Bordit të Industrial (në tekstin e mëtejme Bordi), të themeluar në bazë të Statutit të Universitetit të Shkencave të Aplikuara në Ferizaj dhe të kësaj Rregulloreje, është jo fitimprurës dhe këshillëdhënës dhe bazohet në vullnetin e mirë të anëtarëve dhe përkushtimin e Universitetit për ngritjen e cilësisë së Arsimit të Lartë në fushën e veprimtarisë së tij.
2. Bordi përbëhet nga përfaqësuesit e tregut të punës (industrisë) dhe të autoriteteve nga fushë-veprimtaria e Universitetit.
3. Përbërja dhe aktivitetet e Bordit publikohen në web faqen e Universitetit.

### Neni 2

1. Bordin e themelon Senati i Universitetit me propozimin e Rektorit.
2. Bordi përbëhet nga përfaqësuesit e të gjitha ndërmarrjeve dhe institucioneve me të cilat Universiteti ka nënshkruar marrëveshje të bashkëpunimit profesional.
3. Pas konstituimit të Bordit dhe zgjedhjes së Kryetarit, Bordit mund ti bashkohen edhe anëtarë tjerë të tij.

### Neni 3

1. Bordi përbëhet nga përfaqësues të tregut të punës që janë vendimmarrës në kompani private apo publike si dhe përfaqësues të autoriteteve qeveritare dhe joqeveritare relevante për fushë-veprimtarinë Universitetit.
2. Anëtarë *ex-officio* të Bordit janë Rektori (me të drejtë vote), Prorektorët dhe Dekanët e njësive akademike (pa të drejtë vote) , si dhe një përfaqësues nga administrata e Universitetit (pa të drejtë vote).
3. Rektori përparë mbledhjen konstitutive të Bordit, përpilon materialet lidhur me rendin ditës dhe ndërmerr aktivitete tjera për mbarëvajtjen e punës së Bordit .

### Neni 4

1. Bordi e zgjedh Kryetarin nga radhët e përfaqësuesve të tregut të punës. Kryetari i Bordit i udhëheq mbledhjet dhe kujdeset që informatat lidhur me mbledhjet të shpërndahen te të gjithë anëtarët e vet dhe palëve tjera të interesit.
2. Bordi zgjedh edhe nënkryetarët e industrive përkatëse (5 nënkryetarë (të cilët duhet të jenë nga fushat e fakulteteve përkatëse). Këta nënkryetarë së bashku me Kryetarin e Bordit do të udhëheqin mbledhjet e me anëtarët e industrive përkatëse.
3. Sipas kësaj rregulloreje dhe praktikës së mirë dhe transparente, Kryetari i Bordit përkujdeset për përmbledhjen e raporteve të punës së Bordit dhe operacionalizimin e iniciativave të tij.
4. Kryetari i Bordit e përfaqëson atë në raport me palën e tretë. Në mungesë të kryetarit, ai/a mund të caktojë një zëvendës të tij.
5. Kryetari i Bordit prezanton punën e Bordit në organizime të ndryshme, si: Këshilli Mësimor/Shkencorë , Senati, Këshilli Drejtues, institucionet e arsimit të lartë brenda dhe jashtë vendit, punëtori tematike, etj.
6. Bordi mund të formoj grupe punuese që përqendrohen në lëmi të veçanta të fushëveprimit të Universitetit.
7. Varësisht nga temat për diskutim, në mbledhjet e Bordit mund të ftohen Drejtorët e programeve mësimore, Drejtori i Institutit dhe përfaqësues të organeve përkatëse që funksionojnë në kuadër të Universitetit, pa të drejtë vote.

### Neni 5

1. Bordi mund t'i sugjerojë Këshillit Mësimor/Shkencorë dhe Senatit përditësimin e programeve të studimeve si dhe njësive të reja akademike sipas nevojave të tregut.
2. Anëtarët e Bordit mbështesin realizimin e praktikës profesionale të studentëve të Universitetit, në pajtim me programet e studimeve.
3. Bordi mbështet Universitetin dhe tregun e punës në fushëveprimtarinë punuese në krijimin e grupeve të përbashkëta punuese.
4. Bordi dhe Universiteti bashkëpunojnë në kërkime shkencore, shërbime profesionale, bashkëpunime në projekte, ndërmjetësim për inovacione, si dhe në propozime për bashkëpunim në projekte të përbashkëta me Universitetin dhe partnerë të tjerë.
5. Anëtarët e Bordit mund të ofrojnë bursa për studentë si dhe përkrahje financiare për projekte hulumtuese të studentëve dhe stafit akademik.



6. Bordi mund të shqyrtojë edhe çështje tjera të propozuara nga Rektori.

#### Neni 6

1. Bordi duhet të takohet së paku dy herë në vit dhe atë së paku brenda dhjetë ditëve nga fillimi i vitit akademik dhe në përfundim të tij.
2. Bordi sipas kërkesës të së paku 15 anëtarëve mund të thërret mbledhje të jashtëzakonshme ku duhet të marrin pjesë së paku 50% e tyre. Në rast se Kryetari ose Zëvendës kryetari për ndonjë arsye nuk thërrasin mbledhjen, mbledhja mund të thirret sipas pikës 2 të këtij neni, por që e njëjta udhëhiqet nga anëtari më i vjetër pjesëmarrës në takim. Kjo mbledhje mund të thirret për rastin konkret vetëm njëherë.
3. Në raste të tjera kur paraqiten pengesa në thirrjen dhe organizimin e mbledhjes, këtë të drejtë mund ta ushtroj edhe Universiteti.
4. Me kërkesë të Anëtarëve të Bordit Industrial ose të Universitetit, për raste specifike mbledhja mund të thirret edhe vetëm me anëtar të industrisë brenda një programi. Me rekomandimet nga mbledhja e mbajtur, përmes e-mailit njoftohen anëtarët e tjerë të Bordit Industrial.
5. Mbledhjet e Bordit Industrial thirren së paku 3 ditë para datës së mbledhjes nga Kryetari.
6. Në rast të mungesës së Kryetarit, mbledhjet thirren nga njëri Zëvendës-kryetar i programit përkatës e në raste të tjera nga zëvendës-kryetari më i vjetër. Në çdo mbledhje të bordit Industrial nënshkruhen listat e pjesëmarrësve si dhe procesverbali nga mbledhja e mbajtur e cila nënshkruhet nga Kryetari dhe Procesmbajtësi. Materialet e mbledhjeve të mbajtura duhet të ruhen si dokumente afatgjate në Sekretarinë e Administratës së Universitetit

#### Neni 7

1. Bordi mund të sugjerojë ndryshimin, përmirësimin dhe amandamentimin e rregulloreve dhe akteve tjera në fuqi.
2. Bordi mund t'i propozojë Këshillit Mësimor/Shkencorë dhe Senatit programe që kanë të bëjnë me: mësim terë-jetësor, aftësimin e të rriturve dhe trajnime profesionale.
3. Bordi bënë vlerësime, rekomandime e sugjerime lidhur me kushtet e punës, laboratorët dhe lehtësimin e funksionalizimit të punës.
4. Këshillat dhe sugjerimet e Bordit për çështjet e trajtuara, do t'i adresohen Këshillit Mësimor/Shkencorë, Senatit, Menaxhmentit dhe Këshillit Drejtues të Universitetit, në kuadër të: hartimit të programeve të reja, aplikimit për proces të akreditimit, caktimit të punës praktike, planifikimit projekteve kërkimore-shkencore, vlerësimit të tyre, hartimit të dokumenteve strategjike, etj.

#### Neni 8

1. Aprovimi i propozimeve bëhet me shumicën e thjeshtë të anëtarëve të pranishëm.



2. Rekomandimet e Bordit, në formë të propozimit dorëzohen në Këshillin Mësimor/Shkencorë për procedim të mëtutjeshëm.

#### Neni 9

1. Mandati i anëtarëve të Bordit zgjat 4 (katër) vite, me mundësi të rizgjedhjes. Numri i mandateve nuk është i kufizuar.
2. Me ftesën e Rektorit, Kryetari i Bordit mund të prezantojë para Senatit aktivitetet e Bordit për periudhën e caktuar.

#### Neni 10

Kjo rregullore hyn në fuqi nga dita e miratimit në Senat.

#### Neni 11

Me hyrjen në fuqi të kësaj rregullore shfuqizohet rregullorja për parimet e funksionimit të Bordit Industrial të UShAF nr. 43/20 e datës 09.01.2020.

Rektori

Prof. Dr. Agron Bajraktari

